

1621_011.jpg


Histoire de nostre temps.

II


memoire) fut decedé l'an mil six cents dix-neuf le vingtiesme Mars, Nous auons prins l'administration de la chose publique, Nous auons faict publier la tenuë des Estats du Royaume à la Feste de la Trinité laquelle escheoit le vingt sixiesme May: Et d'autant que par la Bulle d'orce de l'Em-pereur, nous estions appelez par l'Esleeteur de Mayence, à l'Assemblée des Esleuteurs en la ville de Francfort, afin d'eslire vn Roy des Romains, ce que les affaires de l'Empire requeroiët, nous auons accordé au Palatin d'Hongrie Sigismond Fortgasi de Guymes, plain pouuoir de tenir les Estats au lieu de Nous à cause de nostre absence: & outre ce, nous auons offert de les cōseruer & entretenir, en tous leurs Priuileges Royaux, droicts, franchises & immunités. Aussi en ceste Assemblée d'Estats qui furent cloz le treziesme Aoust audit an mil six cents dix-neuf, toute la Hongrie a tesmoigné auoir agreable l'administration & gouuernement de l'Estat que nous auons pris, & qu'il estoit sans aucun blasme: Ce sont les mots du remerciement tres-humble qui nous fut faict au nom desdis Estats; de maniere que nous n'auons voulu rien souhaitter d'auantage, puisque toutes ces choses se sont passées, ou par vertu de nos lettres patentes, ou au temps des Articles faicts à nostre couronnement.

Et toutesfois, nonobstant tant d'excellents tesmoignages de tous les Estats de Hongrie, lors que nous ne pensions à rien moins qu'aux soudains & seditieux remuemens qui s'y sont faits, au temps auquel, par la liberalité diuine, & d'une


1621_012.jpg




1621_700.jpg




1621_013.jpg




1621_701.jpg



1621_014.jpg



1621_702.jpg



1621_015.jpg

Histoire de nostre temps.

15

mania si doucement nostredit Lieutenant general, (qui ne se doutoit en façon quelconque de luy, ny n'auoit aucune crainte,) que finalement sur la fin du mois de Septembre de l'année passée, par la perfidie & trahison de ceux de Cassovie, ce mesme nostre Lieutenant general fut pris, & enuoyé sous bonne & seure garde en Tráslauie par ledit Bethlen, là où il est mort.

En suite de ce, Bethlen a commencé d'exercer par force vne infinité de rapines, pilleries, meurtres & oppressions, outrageuses & tres-indignes, sur nos fidelles subjects tant Ecclesiastiques que seculiers: a passé par toute la haute Hongrie, & apres auoir profané & destruiât les Eglises des Catholiques, chassé ou tué les Prestres, occupé les biens des Ecclesiastiques, & ceux des personnes de qualité qui ne vouloient violer la foy deuë à Dieu & à leur Roy couronné, il les a chassés de leur patrie: Il a meschamment usurpé sous le nom de Prince de Hongrie nostre Domination: & lors que nous estions empeschés à nostre couronnement d'Empereur, & fort esloignez, & mesmes auparauât que nous eussions esté aduertis de ces troubles d'Hongrie, il a enuahy Presburg, où le Palatin de nostredit Royaume se trouuant circonuenu, fut contrainct par force, au tres-grand prejudice de nostre autorité Royale à laquelle seule appartient la conuocation des Estats, de les assigner en ladite ville de Presburg.

Mais le bruiât des armes, & la terreur tyrannique presidante en ceste pretendüe assemblée

1621_703.jpg




Image issue du site mercurefrancois.ehess.fr - Cliché (c) Cécile Soudan